

مسکن

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در

اتبعون اهدکم سبیل الرشاد

صاحب و مدیر مسئول : ح . اشرف اریب

جلد ۱ - ۸

۵ نیسان ۱۳۲۸

پنجشنبه

۱ جمادی الاول ۱۳۳۰

عدد ۷ - ۱۸۹

بزه هجوم ایتدی. بزايسه جناب حقك بتون كائنات، بتون موجوداته بخش ايتش اولديني طبيعي برحقه، حق مدافعه نفسه صاريله رق كنديمزي محافظه آتيلديق. مدافعه نفس حق حياتك نتيجه غير مفارقي اولارق واجب الوجود حضرتلري طرفندن بتون ذي حياتك عهده سته توديع ايدلش در. بو، عين زمانده بر صلاحيت و بروظيفه اولديني ايجون هيچ بر ذي وجود. ايسر تك تك افراد اولسون ايسر هيات اجتماعيه اولسون، نه شو حقندن واز كچه بيلير، نه ده شو وظيفه سنك ايفاسنه لاقيد قاله بيلير. واز كچرسه، لاقيد قاليرسه حق حياتدن واز كچمش اولور، اتجار ايتش اولور!

شمدی بزی شو حقمزدن استفاده و شو وظيفه مزی ايفايه مجبور ايدن بر طرفندن ايتاليا وديكر طرفندن آوروپانك ايتاليا قورصانلغنه و حيدودلغنه قارشى آلمش اولديني وضعيت لاقيديسى اولمشدر. ديمك كه ايتاليا و آوروپانك بزه قارشى آلمش اولديقلري وضعيت نه قدر دوام ايدرسه اوقدر بزم مدافعه نفس حق و وظيفه مزی استعمال وايضا ايتكمكه مكلفز.

فقط عجباً ايتاليا هانكي حق و اساس اوزرينه بوكون اوزر يمه آتيلمشدر؟ ظن ايتمه يركه كره ارضده وحتي ايتاليانك كنديسنده آز چوق وجدان و ناموس صاحبي اولان بر ذات بولسونده شو سؤاله قارشى مثبت بر جواب و بر بيلسون! بتون جهان ايتاليانك حقسزاني تسليم ايتدي. بتون جهان ايتاليا حكومتني « بين الملل حدود چته سي » ديهه تختير ايتدي! بتون آوروپا اسانده حقوقي ايتاليانك بزمه محاربه ايتمه اصلا حق اولمه ديغني بيان ايتديلر. ديمك كه ايتاليانك التده حق، حقانيت، اساس، رهنسب نامنه هيچ برشي قاليور. شو دولت يالكز قوت و زور نامنه حركت ايديلور. فقط عجباً آوروپا مدنيتجه، آوروپا نظريات حقوقيه سنجه يالكز قوت و زور بر منسب حق و صلاحيت، بر سبب مشروع حرب ديهه طامنش ميدر؟ البته كه بتون آوروپا، بتون بشريت مدنيت حاضره شو سؤاله قارشى « خاير! » ديهه جواب ويرر. لاکن بز بر آن ايجون اولسون فرض ايدلم طامنشدر. فرض ايدلم كه آوروپا وجداني قوت و زوره قارشى كنديسني كوسترهميور، قوت و زورك ياقنده اولديني « امرواقع » لري قبول ايتكم مجبوريتنده بولنيور؛ فقط شو فرضياتي قبول ايتسه ك بيله ايتاليا آنلرك بخش ايديله چكي فواشددن كنديسني محروم ايتمشدر. زيرا ايتاليا بتون جهاننه كنديسنك هر حقندن محروم اولديغني اثبات ايتديكي كي هر قوت و زور دنده محروم اولديغني كوستردى. محاربه اليوم يدنجي آني كچيرمكده در. شو مدت مديده اثناسنده ايتاليانلر دائماً مغلوب و منكوب اوله كللمكده درلر. شمدی يه قدر الله ايتش اولدقلري ساحه نك وسعتي سفائن بحريه طوپلرينك كواله منزلندن زياده دكلدر. اوتكه طرفه طوغرو بر خطوه بيله آتنامه ملردر. آتقم ايتسته دكلري زمانلرده دائماً فجييع واليم بر صورتده كيرى به طوغرو قوغولمشدر! ديمك كه ايتاليانلر بتون حقلر ايجنده اك منفورى، بشريت ايجون بر لكه تشكيل ايدن حق قوتدن بيله استفاده ايدمه مزلر!

حال بويله اكن عجباً توسط هانكي ملاحظات و اساسلر اوزرينه يابيله بيلير؟ عجباً بر حيدود و قاتل ايله بر معصوم آراسنده تأمين صلح ايجون نصل توسط ايديله بيلير؟ اشخاص ناكه يا تمامي ايله ايشه قاريشميه رق مسئله نك حلى طرفينه بر اقليدر؛ يا خود قاريشق ايتنيورلرسه مطلقاً و مجبوراً معصومي حمايه و وقايه ايجون قاريشه جقلدر. بولرك آراسنده اوچنجي برشق قابل تصورييله دكلدر. أوت. حكومات معظمه بوكا قارشى كنديلرينك ده محاربه دن متضرر اولدقلريني ايلري سوره بيليرلر. بودوغرودر. فقط محاربه يي بز يامبورزكه! آنلر متضرر اولق ايتسته ميورلرسه يا اولجه محاربه يه ميدان ويرمه ميليدلر، يا خود صوكره محاربه يه سبب اولاتي، محاربه ايدنه دورديرمه ليدلر.

حكومات معظمه بوني صراحة بيلمه ليرلر كه ايتاليا بزه هجوم ايتكمكه دوام ايدنجه بزه حق صريحمن اولان مدافعه نفسه قوشاجقز! هيچ بر حكومت عثمانيه متصور دكل دركه شو حق صريحندن واز كچسون، يا خود كچه بيلسون! بناء عليه آوروپا حكومتلري محاربه يه حقيقتاً نهايت ويرمك ايتسته ميورلرسه اول باول ايتالياني طرابلسدن چيقارمه ليدلر! باشقه صورتله عقد صلحك احتمالي بيله يوقدر.

احمد آغايف

وابدال بويورديني شوبى نظير نعمت عظمائك قدريني بيليكز! دائماً متحد، دائماً يكوچود اولديكز حالده لواء الحمد خلافت آلتنده حريتكلزه، شوكت و سلطنتكلزه ياشاييكز، ياشامغه چاليشيكز...

محمد فخرالدين

نتيجه

توسط

بر چوق زماندن برى دوران ايتكمكه اولان توسط شايعه لري نهايت كسب تحق ايتدي. ذاتاً سفرى اجنيه اجراى توسط ايجون چوقدنبري حاضرنيورلردى. يالكز روسيه سفير جديدي موسيو ده كيرك درسعاده ورودينه منتظرديلر. مشاراليه ده بوندن برقچ كون مقدم شهر يمه واصل اولمشدر. فقط شو توسط نه شكل و صورتده اجرا ايديله چكدي؟ ايشته بزم عثمانلري اكزياده دوشونديره چك مسئله بوندن عبارتدي. آوروپا افكار عموميه سنده شو سؤاله قارشى بر چوق شايعه لري دوران ايتكمكه ايدى. بعضلري روسيه حكومتى ايله ايتاليا حكومتى آراسنده خفي برائتلافنامه نك موجوديتني و عثمانلر بقمده بر مسلك خير خواهانه و اعتدال كارانه تعقيب ايتكم طرفدارى اولان موسيو چاريفوفك دفعه عزلي ايلري سوره رك موسيو ده كيرك توسطه دائر حكومتندن تبليغات فوق العاده آلمش اولديغني توسطه بر شكل و صورت تضيقه ويرمك ايجون مأمور اولديغني ادعا ايديلورلردى. ديكرلري ايسه شو شايعه لرك خلاف حقيقت اولديغني. موسيو ده كيرس ده باشقه سفيرلر ايله توفيق و تشريك افكار و آمال ايدرك آنلر ايله متجداً حركت ايدمه چكني و توسطه اصلا بر شكل و صورت تضيق ويريله چكني تأمين ايديلورلردى. فقط تا اولدن شو ايكنجى فكرك دهها زياده موافق حقيقت اولديني مسلم ايدى. زيرا حكومات معظمه تضيق معامله سنك بك فاحش بر حقسزلق و طارفكيرك اولديغني، مع مافيه تضيقك هيچ بر ثمره ويرمه چكني، بالعكس اورته لني دهها زياده قاريشديره چغني نظر دفته آلهرق تضيقندن واز كچرك هر ايكي محارب طرفله عين معامله ده بولنه يي ترجيح ايدمه چكلردى. بناء عليه روسيه حكومتك توسط حقنده اتحاد دولي دن آريلهرق يالكز باشنه ايش كوره چكي و كنديسني آچيق و محقق بر رجعت سياسيه يه گرفتار ايدمه چكي بك ده محتمل دكلدى.

« ژون تورك » غرتة سنك بر منبع موثوقدن آلمش اولديغني شو ملاحظاتي جريان حوادث ده تأييد ايتدي. مذكور غرتة نك شو فقره سته بناء حكومات متوسطه باب عاليه بر نوطه كوندر درك صلح حقنده رأني استفسار ايتكمكه اكتفا ايدمه چكلر؛ و بو نوطه ده حكومتلر باب عالين هانكي شرائط اوزرينه عقد صلحه راضى اوله بيله چكني صورمله برابر يالكز باب عالي طرفندن سرد ايديله چك شرائطك قابل قبول اوله بيله چكي حقنده تمنايده بولنه چقلردى. فى الحقيقه صالى كوئى وقوع بولان استمراج بو صورتله اولدى. ايشته توسط بويله جه غايت نازك و ظريف و حيثيت و شرف مليه و اصلطوقونا ميه جق بر شكلده ياپيلمش اولقله برابر دوغروسى شو توسطك اصلاحكمت و سرخى آكلايه ميورز. عجباً حكومات معظمه هانكي ملاحظات، اساسانه استناداً شو توسطى ياپيور؟ عجباً حكومت عثمانيه نك ويرمه چكي بكانه جوابي حكومات مذكور شمدى يه قدر كديره مه مشلر ميدر؟ افكار عموميه عثمانيه تا بدایت حربدن برى توسط صلح حقنده كندى افكار و حساباتي تماميله و مفصلاً بيان ايتمشدر.

عثمانلير كيمسه يه تجاوز ايتديلر والا آنده ايتكم ايتسته ميورلر. كيمسه نك حقنه. مانه، چانه تجاوز ايتمه ديلر و ايتكم فكر. بيله دكلدرلر. كونك برنده عنود و متهور بردشمن بتون عادات و مراسم بين المللى چيكنه يهرك، مدنيت حاضره نك بتون قواعد و اساسلريني استحقار ايدمرك، بلا سبب و بهانه